



SELO  
Iragarki-ohol elektronikoa argitaratua  
15/07/2024

## DEIALDIAREN OINARRIAK 2 LANGILE KONTRATATZEKO, ALDI BATERAKO LAN KONTRATUEKIN, ETA HAUTAPEN PROBEN BITARTEZ, BERAKO TURISMO BULEGOETAN PUBLIKOARI ARRETA ETA INFORMAZIOA EMATEKO UDA GARAIAN.

### 1. oinarria. Deialdiaren xedea.

Deialdia iragartzen da herriko zein Ibardingo turismo bulegoetan publikoari arreta eta informazioa emateko 2 langile kontratatzeke, aldi baterako lan kontratuekin, eta hautapen proben bitartez.

Lansaria: lanpostuak Nafarroako administrazio publikoen zerbitzuko langileen C mailari dagozkion oinarrizko lansariak izanen ditu, gehi %12 (mailako osagarria), Nafarroako Administrazio Publikoen zerbitzuko Langileriaren Estatutuaren arabera (1.655,56 euro gordin hilean).

Ordutegia: Udalak jarriko du, bulegoen irekitze-ordutegiaren arabera. Ordutegi hori goizekoa eta arratsaldekoa izanen da, eta asteburu eta jai egunak hartuko ditu barne, legez egin beharreko atsedendiek.

Kontratuaren iraupena: 1,5 hilabete (2024ko abuztuaren 1etik irailaren 15era arte).

**2. oinarria. Izangaiek bete beharreko baldintzak** (eskabideak aurkezteko epea bukatzen den egunean):

a) Espainiako nazionalitatea izatea edo Europar Batasuneko estaturen batekoa edo, Europar Batasunak izenpetu eta Espainiako Estatuak berretsitako nazioarteko tratatuen arabera, langileen joan-etorri askea aplikatzen den estaturen batekoa.

Parte har dezakete, orobat, espainiarren eta Europar Batasuneko beste estatuetakoa herritarren ezkontideek, edo aipatutako nazioarteko itunen aplikazio eremuan sartutako estatuetakoa herritarren ezkontideek, zuzenbidez bereizita ez badaude; halaber, haien ondorengoek eta ezkontidearenek, zuzenbidez bereizita ez badaude, 21 urtetik beherakoak badira edo, hortik gorakoak izanez gero, haien kontura bizi badira.

b) Hamasei urte beteak izatea eta nahitaezko erretiroa hartzeko ezarritako adina gauditua ez izatea.

c) Batxilergoko tituluaren jabe izatea edo Lanbide Heziketako 2. graduako tituluarena, edo horien baliokidea, edota eskabideak aurkezteko epea bukatu baino lehen titulua eskuratzeko eskubideak ordaindu izanaren gordekinarena.

Atzerrian lortutako tituluak badira, homologazioaren frogagiria eduki behar da.

d) Lanpostuaren eginkizunak betetzeko behar diren gaitasun fisikoak eta psikikoak izatea.





e) Eginkizun publikoetan aritzeko ezgaitua edo gabetua ez egotea eta administrazio publikoren baten zerbitzuetik berezia izan ez izana.

f) Euskarazko hizkuntza gaitasuna egiaztatzen duen Europako Erreferentzia Esparru Bateratuaren C1 mailako titulua edo baliokideren bat izatea.

### 3. oinarria. Eskabideak.

3.1. Eskabideak Berako Udaletxeko Erregistroan aurkeztu behar dira, egoitza elektronikoa (<https://sedeelectronica.bera.eus/>), edota 39/2015 Legeko 16.4 artikulua jartzen dituen baliabideak erabilia.

Eskaera postetxe batean aurkeztea erabakitzen bada, honako aukera hauek izanen dira:

-Bide telematikoz bidaltzea, Erregistro Birtualeko Bulegoaren bidez, destinoko Kode Digital honetara: L01312508 - Berako Udala.

-Gutun-azal irekian egitea, postetxeko langileek, ziurtatu aurretik, data eta zigilua jar diezaioten eskabideari; horrez gainera, frogagiria bidali beharko da mezu elektronikoa bidez, helbide honetara: [bera@bera.eus](mailto:bera@bera.eus). Bi baldintzak bete ezean ez da eskabidea onartuko.

3.2. Eskabideak deialdi honen I. eranskinean agertzen den ereduaren arabera izanen dira, eta haietan izangaiek adierazi behar dute betebeharrak guzti-guztiak betetzen dituztela eskabideak aurkezteko epearen azken egunean.

3.3. Epea: Interesdunek eskabideak aurkeztu ahalko dituzte, **2024ko uztailaren 22a arte**. Egun horretako ordu hauetan bukatuko da epea:

- Aurkezpen pertsonala Berako Udaletxeko Erregistroan: 13:30.

-39/2015 Legearen 16.4 artikuluko baliabideak erabiliz aurkeztuz gero: 23:59.

3.4. Parte hartzeko eskabidearekin batera, honako agiri hauen fotokopia konpultsatua aurkeztu beharko dute izangaiek: nortasun Agiri Nazionala, 2 C) oinarrian eskatzen den titulazioa, 2 F) oinarrian eskatzen den euskarazko titulazioa, edo eskabideak aurkezteko epea amaitzen den egunean eskuratzeko moduan daudela egiaztatzen duten agiriak.

### 4. oinarria. Behin-behineko zerrendak.

Eskabideak aurkezteko epea amaituta, Berako Udaleko alkateak ebazpena emanen du izangai onartu eta baztertuen behin-behineko zerrenda onesteko, eta jendaurrean jarriko da Berako Udalaren iragarki taulan, bai eta Udalaren web orrian ere. Taulan jartzen denetik hasita, izangaiek hiru egun baliaduneko epea izanen dute erreklamazioak aurkezteko edo eskabidean egindako akatsak zuzentzeko. Erreklamaziorik aurkezten ez bada, behin-behineko zerrenda behin betiko bihurtuko da, eta argitaratzen den egunetik aurrera izanen ditu ondorioak.

Onartutako eta baztertutako izangaien behin-behineko zerrendarekin batera, deialdi honetan aurreikusitako hautaketa probak egiteko eguna eta tokia jakinaraziko dira Berako Udalaren iragarki taulan eta web orrian.





## 5. oinarria. Behin betiko zerrendak.

Erreklamazioetarako epea bukatutakoan eta haiei erantzun ondotik, alkateak ebazpena emanen du, onartuen eta baztertuen behin betiko zerrenda onesteko, eta taulan eta udal web orrian argitaratuko da.

## 6. oinarria. Epaimahai kalifikatzailea.

6.1. Honako kide hauek osatuko dute epaimahai kalifikatzailea:

- Lehendakaria: Aitor Elexpuru Egaña, Berako Udaleko alkatea.

Ordezkoa: Patxi Castillo Graciarena, Berako Udaleko zinegotzia.

- Mahaikidea: Raul Iglesias Alvarez, Berako Udaleko kultur koordinatzailea.

Ordezkoa: Belen Mutuberria Vergara, Lesakako Udaleko kultur koordinatzailea.

- Mahaikidea: Irantzu Pastor Ordoki, Baztan-Bidasoan turismoa garatzeko turismo teknikaria, Cederna-Garalur.

Ordezkoa: Itxaso Aleman Damboriena, Cederna-Garalurreko garapen agentea.

- Mahaikidea: Gemma Mitxelena Agesta, Berako Udaleko administraria.

Ordezkoa: Miguel José Belarra Tellechea, Berako Udaleko idazkaria.

- Mahaikidea, langilegoa ordezkatuz: J. Martin Leiza Larralde, Berako Udaleko albientea.

Ordezkoa: Jose Javier Taberna Agesta, Berako Udaleko zerbitzu anitzetako enplegatua.

6.2. Epaimahaia ezin izanen da eratu, ezta jardun ere, gutxienez kideen gehiengo osoa bildu gabe. Idazkaria izendatuko da kideen artean. Epaimahaiak gehiengoz ebatziko ditu deialdiko oinarrien interpretazio eta aplikazioari buruz sortzen diren gorabeherak. Epaimahaiak aholkulari adituen laguntza izan dezake proba batzuetan nahiz guztietan.

## 7. oinarria. Probak.

7.1. **Frantseseko ahozko proba:** hautagaiak hizkuntza horretan B2 maila duela kreditatzeko ahozko proba eginen da.

Epaimahaiak erabakiko du probaren iraupena. Puntuazioa: **10 puntu** gehienez ere. Proba ez da baztertzailea izanen.

7.2. **Berariatzko ahozko proba:** Bera eta eskualdeko turismo-baliabideen ezagutzari buruzko ahozko proba eginen da euskaraz.

Epaimahaiak erabakiko du probaren iraupena. Puntuazioa: **20 puntu** gehienez ere, honela banatuak:

- Bera eta eskualdeko turismo-baliabideei buruzko ezagutza maila: 10 puntu arte.

- Gizarte eta komunikazio trebetasunak (komunikazio estiloa, soltura, gorputz hizkuntza, ahots-doinua, inprobisazio gaitasuna, autoestimua, bizitasuna, gogoberotasuna): 10 puntu arte.

Proba ez da baztertzailea izanen.

## 8. oinarria. Kontratazioa egiteko izangaien zerrenda.





8.1. Izangaien kalifikazioa bukaturik, epaimahaiak aldi baterako kontratazioa egiteko izangaien zerrenda argitara emanen du Berako Udaletxeko iragarki oholean eta web orrian, lortutako puntuen arabera.

8.2. Berdinketa egonez gero, berariazko proban lortutako puntuazioaren arabera erabakiko da. Hala ere berdinketa mantenduz gero, jendaurreko zozketa egingen da.

8.3. Izangaien zerrendan hurrenkera jartzeko kontuan hartuko da hautapen probetan lortutako puntuazioa, handienatik hasita.

8.4. Epaimahaiak Alkatzari bidaliko dio prozeduraren ostean osatutako zerrenda, aldi baterako kontratazioak egin ahal izateko.

## 9. oinarria. Datuen babesari buruzko informazioa.

Datuen tratamenduaren arduraduna:

Identitatea: Berako Udala.

Helbidea: Herriko Etxeko plaza 1, 31780, Bera.

Telefonoa: 948 630005.

Posta elektronikoa: bera@bera.eus.

Datuak babesteko ordezkaria: dpd@bera.eus.

Helburua: Enplegu deialdiak kudeatu, botere publikoen erabileraren baitan.

Oinarri juridikoa: 251/1993 Foru Dekretu Legegilea, abuztuaren 30ekoa, Nafarroako Administrazio Publikoen zerbitzuko Langileriaren Estatutuaren Testu Birbildua onesten duena.

Datuak mantentzeko denbora: Datuak gordeko dira aipatutako helburua lortzeko behar den denborean eta Udalak tratamenduari buruzko erantzikuzunak dituen bitartean. Gainera, Artxibo eta dokumentuei buruzko apirilaren 4ko 12/2007 Foru Legean araututakoa bete behar da.

Datuen hartzaileak: Datuak eman ahalko dira epaile eta auzitegiei, indarrean dagoen legedia konplutuz, eta argitaratuko dira udal web orrian eta iragarki oholetan, deialdian ageri den bezala.

Eskubideak: Sarbide, zuzentze eta baliogabetze eskubideak lehen aipaturiko helbidea erailiz. Gainera, erreklamazioa aurkezten ahal da Datuen Babeseko Espainako Agentziaren aurrean: Jorge Juan, 6, 28001 (Madril) edota [www.agpd.es](http://www.agpd.es).

## 10. oinarria. Errekurtsoak.

Deialdi honen oinarrien aurka edo berau aplikatzeko egintzen aurka, hautara, ondoko errekurtsoetako bat aurkez daiteke:

a) Berraztertze errekurtsoa, egintza burutu duen organo berari zuzendua, hilabeteko epean, hura jakinarazi edo argitaratu eta biharamunetik hasita.

b) Administrazioarekiko auzi-errekurtsoa, Nafarroako Justizia Auzitegi Nagusiko Administrazioarekiko Auzien Salari zuzendua, bi hilabeteko epean, errekurritutako egintza edo erabakia argitaratu edo jakinarazi eta biharamunetik hasita.

c) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, erabakia argitaratu edo errekurritu nahi den ekintza jakinarazten denetik hasita.

Gainera, epaimahaiaren egintzen aurka gora jotzeko errekurtsoa aurkezten ahalko da, berako Udaleko alkate udalburuari zuzendua, hilabeteko epean, errekurritutako egintza edo erabakia jakinarazi ondotik.





SELLO

Iragarki-ohol elektronikoa argitaratua  
15/07/2024



herriko etxeko plaza, 1 tel. 948 630 005  
31780 BERA  
NAFARROA

IFK: P 31 25000D

[www.bera.eus](http://www.bera.eus)  
[bera@bera.eus](mailto:bera@bera.eus)

Bera, 2024ko uztailaren 15a.

Alkatea,  
Aitor Elexpuru Egaña.



BERA

**BALDINTZAK TURISMO 2024**

La comprobación de la autenticidad de este documento y otra información está disponible en <https://sedeelectronica.bera.eus/>

Código Seguro de Verificación: 3AAA AAUW T324 FD3V VAAF



SELO  
15/07/2024

Iragarki-ohol elektronikoa argitaratua

## ERANSKINA ESKABIDE EREDUA

### DATU PERTSONALAK:

Izen- abizenak:.....  
NAN edo baliokidea: ..... Jaiotze data:.....  
Non jaioa:.....(..... ) Nazionalitatea:.....  
Helbidea:.....  
Herria:.....Probintzia:..... Posta kodea:.....  
Telefonoak:..... Posta elektronikoa:.....

### ADIERAZTEN DUT:

- Berako turismo bulegoetan publikoari arreta eta informazioa emateko 2 langile kontratatzeko, aldi baterako lan kontratuekin, eta hautapen proben bitartez, deialdian eskatzen diren baldintza guzti-guztiak betetzen ditudala, ezarritako denboran eta moduan.
- Deialdian parte hartzeko eskatutako dokumentazioa erantsi dudala.
- Euskararen mailako ezagutza frogatzeari dagokionez C1 mailako ezagutza izatearen ziurtagiriaren kopia kautotua gehitzen diodala eskabide honi.
- Desgaitasuna dudala eta, hortaz, behar dituen egokitzapenak eskatzen ditudala, haietarako arrazoiak adierazita (beste orri batean zehaztuko dira eskatutako egokitzapenak eta eskaeraren arrazoiak).
- Desgaitasuna frogatzen duen dokumentazioa eransten dudala, erakunde eskudunak emana.

Aipatu hautapen prozesuan onartua izatea **ESKATZEN DUT**.

(Eguna eta sinadura)

Datuen babesa.–Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoan ezarritakoa betez, aditzera ematen zaizu inprimaki honetan ematen diren datu pertsonalak hautapen prozeduran Udalak dituen eskumenak erabiltzeko baizik ez direla erabiliko eta Udalaren datu basea osatzen duten fitxategiei batuko zaizkiela. Fitxategietan sartu, datuak zuzendu eta ezabatze eta horien aurka jotzeko eskubideak Erregistro Orokorrari zuzendurik erabiltzen ahalko dituzu.



BERA

**BALDINTZAK TURISMO 2024**

La comprobación de la autenticidad de este documento y otra información está disponible en <https://sedeelectronica.bera.eus/>

Código Seguro de Verificación: 3AAA AAUW T324 FD3V VAAF